


風人詩草

沈达夫著

西湖诗社



風2

七十自述 其一

愛道平生不語神

自知尚有德歸真

年來忘盡空和色

却作栽花插柳人

沈氏立詩集

太平樂府亂離人破碣河山
錦繡心哉對沈郎百期待
彌天風雨作龍吟

于右任

于右任先生題字

诗信风月共风雷
大梁溪衣锦见才
好句见来庶自慰
全生自是妙为毫

草书

风人绝句

寒松



梁寒操先生题字

回首征歌廿載遠山

光樓影兩依依徐家

詩昔冥鴻去尚見蒼

鷹繞塔飛

風人先之題為

林語堂

字題生先堂語林

風

人
知
句

李石曾先生題



李石曾先生題字

秋月春花白雲野嶺
移帶孔溪吟肩阮亭
去後有餘子寧莫人
問の百斗 年之
風人詩草 蘇笑臨拜稿

初客杭州

时年十五就读杭州

梦回只道是家乡。风雨寒灯不见娘。独卧万山千水外。被头独带太阳香。

初蛩吟

不知身是客。膝下尚贪欢。梦断西窗雨。一声远笛寒。
推枕还疑梦。铺床更自哀。回身先拭泪。只恐有人来。
街上遇刘翁。牵衣泪欲红。非亲亦非故。来自我乡中。
隔墙闻犬吠。寒柝正三更。不觉风霜迫。惟知书味深。

闲立

枯树梢头风飒飒。照衣月色冷如雪。空阶小立听书声。星斗满天天一碧。

回乡口占

塔牵高树似来迎。帆落归舟入邑行。一石一花皆旧识。鸟啼也觉是乡声。

病中寄余师

寒斋不识春。惟有药炉亲。遥忆程门雪。问经少一人。

就读峡石东山山有读书台

四围修竹绿如帟。有塔亭亭出翠微。塔外无云天一色。摩天惟见老鹰飞。
无边滋味醇如醅。长夜埋头故纸堆。腊炬成灰孤帐冷。梦中犹上读书台。

重游西湖

在家日作西湖梦。梦得扁舟过六桥。今朝身在西湖上。却望家山比梦遥。

山居杂咏

时寓平水万寿庵

万竹阴中掩草庐。钟声才罢月来初。山居何事堪回味。松叶炉边吃苦珠。
萧萧四顾竹云翻。独坐高楼百尺巅。雪映黄昏明似月。闲持一卷读随园。
笑语炉边杂俗僧。熊熊火照鬓眉明。忽惊深夜狂风起。道是家常虎啸声。

山中夜望

酒醒夜半倚长松。月黑深林静不风。回首忽惊锣鼓起。千峰雪映一灯红。

白屋吟

白板为墙隔两厢。卧床间壁即神堂。漫笑寒门无是处。嘉名旧锡大书房。
为曾祖读书处

略遮天井作书房。一室如舟屋后藏。破画家传糊败壁。往来谈笑有苏黄。
二友姓

安排炉灶到庭阶。细竹承瓴雁列斜。一语解嘲还自笑。吾家椽子也雕花。
空庭学圃种南瓜。夏日无炎绿自遮。阿娘大有诗人意。闲叠甃砖种菊花。

一别 余生长于闽七岁失怙返会稽祖籍忽忽十余载矣

一别榕城十度霜。他乡只道是家乡。夜来犹作还乡梦。万里风涛撼枕床。

久病

困人天气日如年。病榻沈沈思惘然。蝉叫声声知了也。问君相恶抑相怜。

杭州旅邸偶占

梦里春光望转遥。风霜世路太萧条。满腔热血流无地。并作钱塘一夜潮。

偕雅农游梅园 时就读无锡国专

结伴寻春兴足夸。纵然无酒不妨茶。归来齿颊留香冷。饱食梅园万树花。
太湖万顷一奩开。七十二峰作浪堆。呼酒鼇头渚上坐。无边黛色入杯来。

偕雅农远游西安不遇而归

埋首寒窗学未成。时艰蒿目气难平。囊羞不碍长风志。一笑扬鞭指帝京。
风波世路险环生。携手相看一笑轻。小衄肯寒男子血。雄关重约后年盟。

长安记游

拔地摩天万仞峰。窟居犹见古民风。洪荒极目鸟无迹。一片兽皮悬洞中。
无边曙色自天开。黄土滔滔作浪堆。忽见金光飞射处。红妆跨出一驴来。
潼关所见二首

信有人间行路难。一车颠簸出重关。峰峦无数童如濯。云外苍茫辨华山。
长安道上

迷眼尘沙一片黄。犹留残碣向斜阳。凝脂水滑何由想。不信诗人说李杨。
华清池

儿时曾记读阿房。飞阁云楼百里长。今日相逢成一笑。人间寂寞小歌场。
阿房宫戏院

琳琅碑石立如林。惊凤腾龙字字金。最忆万行高莫仰。楷书恭刻十三经。
碑林

贈阿鴻

才到柯橋又欲行。依依攜手立柯亭。白云江上纏綿甚。不及阿鴻送我心。

無題

昌安門外柳絲長。古洞橋邊艾草香。如此風光非昨日。為誰憔悴立斜陽。
檻外依依柳影斜。高枝風動冷驚鴉。傷心司馬池頭月。曾照伊人舞落花。

月移

月移花影上窗紗。帘動風吹疑是他。倚枕欲眠眠又起。丁鈴數盡隔牆車。

高梧

高梧百尺叶驚風。風露盈庭月半空。知是夜深猶未睡。隔窗隱隱一燈紅。

獻

不怨生生死死休。愿為朝露化枝頭。纵然君是人間獄。我作銀鈎階下囚。
豈有星辰離碧落。从无朝露拒陽光。纵然君是獄中火。我到火中作鳳凰。

海燕

暴雨狂風趨若歸。海天萬里一翎微。朝來日出魚龍寂。更掠晴波下上飛。

我是

我是太阳之裔胄。低头肯作阶下囚。不如身死还先祖。终古灵魂得自由。

风雨亭口占赠王生

一角龙山草接天。秋风秋雨倍凄然。凭君莫续悲秋赋。斡转乾坤要少年。

偕玄青游夜

十里洋桐影欲浮。柏油道上月如流。剧怜后夜车声定。一笑相看露满头。教堂塔顶露微明。街巷频传唤卖声。争起劳民营活计。高楼春夜梦初成。

神女

街上残灯半隐明。为谁悄立夜三更。风多露重行人绝。杳杳惟闻卖粥声。

青坛旅次

袅袅余音犹在耳。褰帟不见梦中人。一灯如豆空堂寂。四野鸣蛙作雨声。满窗风雨夜何如。独对寒灯一纸书。万语千言何处起。几回落笔又踟躇。

灯蕊

莫道纤纤弱不禁。英雄自古孰如卿。擎将一点如星火。直把长宵照到明。

梦断

红栏杆外夕阳低。梦断天涯意尚迷。絮絮几多心上语。讹听林鸟隔窗啼。

入狱

狱门一入深如海。从此抬头不见天。今夜梦魂应有愿。凭风吹到洞桥边。同是天涯沦落人。相逢何必问平生。铁门初上锁初落。第一销魂是此声。

狱中杂咏

朝阳淡淡白云遮。才得放枕风又斜。十五分钟看不尽。中庭芍药六株花。白云槛外自悠悠。深锁枕中万丈愁。黄菜黄饭黄不了。倚窗又看夕阳收。人间尔亦可怜虫。蹉跎冷风深夜中。争似楚囚乡梦好。床头一片鼾声隆。禁地森森铁锁深。争呼隶卒作先生。谁知叱咤风云客。也是如今念佛人。不知墙外有生涯。走奕吟诗兴自賒。除却一门长闭锁。与寻常亦不差些。永宵相对一灯明。风雨连床睡未成。咫尺天涯肠断处。汽车声接火车声。于今身手复何能。惟有闲哦可遣情。佳句偶从梦中得。披衣坐待到天明。苔痕分绿上窗棂。草色含青出瓦丛。一角荒庭无履到。蜘蛛结网在当中。

晚霞天半灿鱼鳞。宛转鸣禽欲就人。却喜值勤今起早。铁窗风物亦堪亲。黄昏未到强人眠。屈指离家已半年。梦里纵然能识路。出门难似上青天。青灯寂寂夜迟迟。犹忆绮窗私语时。玉笛何须怨杨柳。转因离别好相思。

读妹书

千珍万重一封邮。字里行间泪暗流。埋怨阿兄多事处。狱中还要替家愁。

秋风

一阵秋风断客魂。满庭落叶正纷纷。遥知慈母停刀尺。又为阿儿拭泪痕。

寒衣曲

一灯风雨倍凄凉。愁比手边线更长。为恐阿儿身上冷。梦中犹自纫衣裳。

生日

青灯隐隐夜迢迢。湿尽寒衾泪未消。梦里依稀慈母语。阿璋生日是今朝。

忆弟

别来三月竟成痴。寝食昏晨总不知。只是纷纷泪如雨。一灯小影对兄时。

江南江北意何如。肠断秋风两地书。争似闾墙能少别。埧簾难得是相于。

欢声

欢声雷动遏云霄。雪吐天边一线遥。携手万人丛里立。两年前看浙江潮。

此情

此情脉脉两心知。已觉数行太费词。总是自家抛不得。劝人只道莫相思。

示妹

一别悠悠半载余。故园风物近何如。青春寂寞宜加餐。寒夜风霜好读书。老母能欢须著意。友朋从怪不妨疏。阿兄会有归来日。记取门庭早扫除。

两心

脉脉两心那可疏。不须惆怅怨离居。能甘寂寞情才久。肯耐艰难境自舒。独处应怀三字约。相思多寄几封书。等闲莫湿春衫袖。修竹阴深好待渠。

瑟瑟

瑟瑟西风静掩门。黄花满地近黄昏。他乡萍水谁宾主。失路关山各怨恩。明月有情萦别梦。青灯无奈葬诗魂。还将一掬苍生泪。独向遗编吊屈原。